

## Ilanngussaq IV

### **Aalisarnerup teknikkikkut iluarsartuussivigineqarnera pillugu nalunaarut - tunngaviusumik killeqarfimmit 3 smilit avataanni aalisarnermik piniutit nalunaaqutserneqarsimanerat**

Kalaallit Nunaata aalisarnikkut oqartussaaffigisaani tunngaviusumik killeqarfimmiit 3 smilit avataanni aalisarnermi atortut uninngaannartut ikkunneqarsimassapput nalunaaqutserneqarsimassallutillu taamaasilluni:

#### *Aalisarnermik atortut kisarneqarsimasut*

- 1) Qalorsuit, allunaasat aamma aalisarnermik atortut allat kisaqqasut isui ulluklut puttaquteqassapput erfalasulinnik imaluunniit radarip qinngornerinik qinngualasortalinnik unnukkullu puttaqutinik qullilinnik, piniutip inissisimaneranik siaarsimaneranillu pisariaqartumik nalunaarutiginnissinnaasunik. Qulliit taamaattut isikkivigilluartumi minnerpaamik 2 smilitut uningassusilimmiit takuneqarsinnaasut.
- 2) Ulluunerani aalisarnermik atortut taamaattut isuini puttaqut piniutit isuanniittoq killeq (imatut paasineqassaaq pujorsiutip ammalortortaata affaa kujammut sammisumiit kitaanut avannamullu sammisua) marlunnik erfalasulerneqarsimassaaq, appaa erfalasup qulaani imaluunniit erfalasoq ataaseq aammalu radarip qinngornerinik qinngualasartoq, kangumullu isuani (taanna paasineqassaaq pujorsiutip ammalortortaata affaa avannamiit kangianut taavalu kujammut sammisua) puttaqut piniutit isuanniittoq erfalasoqassaaq ataatsimik imaluunniit radarip qinngornerinik qinngualasulik. Unnuaanerani piniutip kimmuut isuani puttaqut marlunnik qaortunik qulleqassaaq kangianullu sammisortaa ataatsimik qaortumik qulleqassalluni. Tamatuma saniatigut puttaqut ulluunerani ataatsimik erfalasoqarsinnaavoq radarillu qinngornerinik qinngualasoqarsinnaalluni unnukkullu ataatsimik qaortumik qulleqarsinnaalluni taakku piniutip isuiniit 70-100 meteritut avissaartillugit inissinneqarsinnaapput aalisarnermik atortut sumut samminnerat nalunaarniarlugu.
- 3) Aalisarnermik atortuni/piniutini smili ataaseq sinnerlugu takissusilinni, arlaliunerusunik puttaqutit inissinneqarsimassapput amerlanerpaamik smilimik ataatsimik akunnilerlugit taamaasilluni aalisarnermik atortup/piniutip immikkoortortai suulluunniit smilimik ataatsimik taannaluunniit sinnerlugu takissusillit nalunaaqutserneqarsimasuussanatik. Ulluunerani puttaqutit tamarmik erfalasulerneqarsimassapput imaluunniit radarip qinngornerinik qinngualasoqassallutik, unnuaanerani ajornangippat puttaqutit amerlanersaat qullermik qaortumik pileqarsimassapput. Qanorluunniit pisoqaraluarpat aalisarnermik atortumi/piniummi pineqartumi qulliit marluk akuttussusiisa 2 smilit sinnersimassanngilaat.
- 4) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaaq piunasaqaataanngilaq.
- 5) Puttaqutit napasortaat mikinerpaamik puttaqutip qulaatungaani 2 meterinik portussuseqassaaq.

## Ilanngussaq IV

### *Atortut saatsersut*

- 6) Allunaasat saatsersut isuminni tamani nalunaaqutserneqarsimassapput puttaquteqassallutillu napasortalimmik puttaqutip qulaatungaani 2 meterinik minnerpaamik portussusilimmik 2 sømilit sinnerlugit akuttutiginningsunik. Napasorta qulluunerani erfalasulerneqarsimassaaq imaluunniit radarip qinngornerinik qinngualasortaqaassalluni unnuaanerani qaqortumik qulleqassalluni, isikkivigittumi annikinnerpaamik 2 sømilit ungasissulimmiit takuneqarsinnaasumik.
- 7) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaq piunasaqaataanngilaq.

# Ilanngussag IV



Tuungavilasmik illeqqarimik 3 avallit avallaand' aakkarneqik pilirittit asilunaaqarsartuqqarsimamit

